



Il piz ch'è mo in fil: la Garvera

Susi Rothmund preschenta oz ses piz, in fil marcant en la part sura da la Surselva.

2



Avant ils praschuniers eri bischutiers

Ils archeologs han fatg ina scuverta particulara tar il Sennhof: In vegl crap per cular bischutaria.

2

südostschweiz

LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 10, redacziun@fmr.ch

■ ENGIADINA

La megladra furnera in Grischun

(fmr/afi) Larissa Bott da Valcha ha conclüs seis giarsunadi da pastiziera-conditira culla direcziun furnera culla nota 5.5. Cun quai ha'la raggiunt il meglader resultat dal chantun i'l sectur dals furners e pastiziers.

Seis manster es collià cun lavurar d'urant la not. «Eu lavur plü jent la not», disch Bott. El-

la ha l'on passà guadagnà la concorrenza chantunala «Conditoria». Ils prossems duos mais lavura ella in l'Alp Mora. E davo ha Larissa Bott previs da far ün on intermediar e da güdar illa furnaria cha sia mamma maina a Müstair.

> PAGINA 9

■ SURSELVA



Nina ed Alma Defuns (da sen.) meinan il Center sursilvan d'agricultura ed aschia era l'Academia Vivian. FOTO HANS HUONDER

Tedlar – mirar – ferdar

(fmr/hh) Malgrad coronavirus – era questa stad porscha l'Academia Vivian in tschupel arranschaments. Naturalmein cullas mesiras pretendidas. Il program per las proximas jamnas ei vegnius formaus dad Alma e Nina Defuns da Trun ch'ei da niev engaschadas dil Center sursilvan d'agricultura. Lez ha il mandat da menar l'Academia Vivian. Fertion ch'Alma Defuns ei pedagoga da natira e cuntrada selvadia, lavu-

ra Nina Defuns en piazza parziala sco schurnalista. Ensemen han ellas bunas premissas per in program variont a Stagias. Quel cuntegn danovamein in tschupel films, mo lu era arranschaments specials en e culla natira. Tut quei ei colligiau cun products regiunals e musica tenor il motto «tedlar, mirar e ferdar la natira ed aschia returnar a casa cun bialas regurdientschas».

> PAGINA 5

■ GRISCHUN CENTRAL

Nign è mengia gioven

(fmr/gns) Tants bikers scu chessta stad ins vei er an Surmeir darar. Eir cun bike para gist aint igl taimp digl coronavirus d'esser ple tgi «in». A Savognin ò gia li en curs da bike per unfants. Mano chel ò Roland Kolb, el tg'ò er en affar da bike. Igl curs è sto en success ed an en colp er vandia or. Per eir cuagl bike è damai nign mengia gioven. Igl era alloura er

en bel vurdar scu tgi igls mattaschs e las mattaschas fachevan lour rundas sur rampas, ampatgs ed impedimaints. Forsa tg'en bel de davainta or digls participants digl curs a Savognin en «grond» biker u ena «gronda» sportista da mountainbike scu Nino Schurter u Sonja Neff.

> PAGINA 8

La fin dil gin

DA SUSI ROTHMUND/FMR

■ Suentersiat onns da success ein la Breil Pur SA ed il gin da Breil gia historia. Sco ils possessurs Gusti Inglin e Beat Sidler han communicau dacuort via ina circulara electronica a lur clientella han ei decidiu da seretretter dalla fiera cun lur marca Breil Pur. La gievgia vargada han ei aunc embuttigliau ed etichetau a maun per la davosa ga lur Breil Pur London Dry Gin organic.

Sin la pagina da Breil Pur ein ils gin gia vendi ora ed ils proxims meins vegn el era a svanir successivamein ord ils regals dil commerci specialisau, ord ustrias, hotels, bars ed ord la societad aviatica «Swiss». Barschus vegneva il gin da Breil Pur dalla Destillaria Candinas a Surrein. Per Anna e Gion Candinas fuvà quei ina biala incumbensa e sco il brischavinars di, munta la fin dil gin da Breil ina gronda sperdita. Ei dat denton era bunas novitads: Candinas ei numadamein dapi entgin temps vid svilupper in agen gin e quel duei vegnir sin fiera la fin uost ni entschatta settember.

> PAGINA 3



Gia suenter siat onns ei la produzioni dil gin da Breil a fin. Ils possessurs da Breil Pur han buc anflau successurs e calan cun la produzioni. MAD


Sanaziun dil Bellavista

■ (fmr/abc) «Nus havein la finala stuiu cavar ora tut», gi igl investur dalla casa Bellavista a Flem, Rainer Böhm. Da tuts involvi hagi quei plazzal pretendiu bia pazienza e perseverenza. Avon treis onns ha Böhm cumprau a Flem la casa historica. Sia finamira oriunda fuvà da sanar migeivlamein. Igl ei in object che fa part dalla historia turistica dil liug. In auter investur havess buca targlinau e schau spazzar igl entir baghetg. Igl investur Böhm denton ei colligiau aschi stretg cun Flem ch'el havess mai saviu scarpargiu igl Bellavista.

Daferton seigien las lavurs da cavar ora e segirar la substanzia terminadas. «Igl ei stau ina lavur plein surprasas, mo ussa savein nus entscheiver a baghegiar», gi Böhm. In onn e miez ha el duvrau, ensem cun restaurators e Tgira da monuments, per far nuot auter che segirar la substanzia. Tochen sils mirs han ins stuiu eliminar tuttas «zambergiadas» dils onns vargai.

> PAGINA 3

Cla Biert – naschè avant 100 onns



«Quai es l'amur paschiun, quai es l'elemaint biologic, per uschè dir, quai es quai chi vain da cagiò sü, il süj, l'instinct, chi ha da gnir controllà da l'intellect, uschi gliö nu vain oura nöglia da bun.»

L'autur e trubadur Cla Biert en in'intervista televisiva dal 1978, transcritta da la FMR en occasiun da ses 100avel anniversari da questa dumengia.

Paginas 6 e 7



30030

Servetsch d'abunents e da distribuziun: tel. 0844 226 226 mail: abo@somedia.ch